

Opinion Publico

Un dama hoben ta opina encuanto caso di Natalee

ORANJESTAD (AAN): Un dama hoben di Aruba, a relata su opinion encuanto caso di e mucha muher perdi.

E ta bisa cu ta hopi preocupante e caso di Natalee. E dama a bisa cu e mes ta un persona cu a sali hopi den su bida, cu prima, amiga y amigonan di Aruba y di LatinoAmerica, Antiyas y tambe Hulanda.

Ta straño di pensa con pa di prome lugar muchanan Mericano cu ta worde lanta mane na tur pais grandi ta worde lanta cu e mentalidad open cu di cas nan ta siña "samen uit samen thuis" y "no papia ni tuma lift ni drinks di hende straño" ta bin un pais chikito berdad pero ainda straño pa nan cu nunca a bin aki abau ta haci e

cosnan ey toch y cu amiganan of chaperone y of roommates ta laga amiga bay su so cu 3 guy?

Ta con esaki ta posibel anto tambe con nan ta lanta for di soño mainta anto sin haya un yamada di e amiga bisando cu e ta ok of no? Anto con nan ta bay nan pais back sin worry cu e persona aki tey of no y con a para cu ne?

Esaki nan ta e prome preguntanan cu nos ta puntra nos mes den un caso asina.

Ami ta un persona cu a biba afor y mi no a durf mes nunca di tuma lift ayabou cu niun hende paso eynan bo ta morto pa su dia siguiente.

Tambe ta con e mucha hombernan por a keda tanto tempo keto riba algo asina?

Otro cos ami personalmente

no ta kere cu nos isla su nomber lo worde susha ni tampoco du carlos 'n charlies lo tin cu worde sera paso tur loke a pasa ta pafor di e lugar aki y tur loke ta pasa paden sa worde bon controla paso mi mes sa bay eyden.

Nos tin cu trata e caso aki mane mester worde trata y pensa lo mas logico posibel.

Den futuro mi ta mira cu ta e school ey y e chaperonan ey lo bay tin problema pa bay den exterior cu e studiantenan.

Nos pais ta dushi bunita y mayoria di hende cu a bin akibou y a actua den forma responsabel no a pasa den mal experiencia dje estado aki y pa nos mes esaki ta algo ful nobo paso nunca antes e cos aki no a pasa na nos isla. Un cos si ta berdad cu tin hopi pero demaciado droga rond y esey nos tin cu caba cu ne paso sino nos pais y nos futuro ta bay perdi.

Ta hopi mucha jong tin cu ta usando droga y tin demaciado choller cu ta danjando nos imagen pa cu turismo.

Nos mester ta objectief y gara e toro na su cáchonnan!

Serando lugarnan cu tur ora ta yen di turista nos ta bezig ta poniendo nos dushi Aruba cu su dushi nightlife cu pa algun ta mas sano cu otro den un lugar saai y unda hendenan lo no stop di droga paso no ta den nightlife so hende ta droga. den nan cura mes of den un mondi mes hende ta haci maldad. Dus ban mantene nos bida di semper y nos turistanan cu ta aprecia nos dushi aruba mane cu e ta pero si ta actua responsabel.

Aruba ban spera cu Nathalee ta na bida ainda y si no ta asina ban spera cu nos por hanje. Paso no ta nada great pa su famianan pero tampoco pa nos paso esaki ta un fenomeno pa nos nunca antes algo asina a yega di sosode na nos Dushi Aruba.

**TELEFONNAN
DI DIARIO
582-6747
FAX
582-8551**